

Sopra el despensar de le opere:

Sier Zuam Nadal.

A la piazza:

Sier Sabastiam Badoer.

El resto de li nobeli sono deputadi a li squaragaiti.

- 214 *Copia di uno mandato de li capetani cesarei, con il qual mandano a domandar, i castelli si rendino a la cesarea majestà.*

Capitaneus locumtenens et commissarii felicissimi cesarei exercitus.

Mittimus ad vos comitem Joannem Antonium de Collalto, praesentem tubicinem, qui caesareo nomine vos moneat et requirat, quodque praesentium tenore nos quoque monemus ac requirimus, ut quam primum veniatis aut mittatis nuncios vestros cum libertate componendi et dandi, et fidelitatis iuramentum subeundi et fidem ipsam servandi ad praesentiam nostram ad praemissa et alia a sacratissima caesarea majestate ordinata, quibus sic intermissis vestris tenore praesentium damus veniendi salvum conductum et redeundi per totam diem crastinam, quae erit 28 praesentis. In quantum vero perseverare volueritis in vestra carnea malitia, ad sanitatem neque admonitis redire volueritis; ex inde prout ex tunc et contra vobis indicat et denunciatur, prout et nos praesentium tenore, indicimus et denuntiamus caesarea indignatione igne et ferro ad ultimum supplicium et totalem ruinam et perditionem vestram comitatui et iurisdictionibus Collalti, et aliorum locorum vindicandum, ut sitis aliis exemplum. In quantum fidem.

Datum in felicissimis caesareis castris ad Plebem Montis Belluni positus, 27 augusti 1511.

O O

BONIFACIUS de m.

- 215 Da poi disnar fo pregadi et vene letere di Treviso, dil podestà et provedador, di horre 13, ozi. Come i nimici erano verso il Montello, e la note era stà visto fuogi per quelli monti; lui, provedador general, à scritto a tutti i lochi, si redugi in forteza.

Item, poi di hore 16, scriveno, come zercha 1000 cavali de' inimici in quella matina veneno verso la terra, da la banda di la porta di Santi 40 e di San Thomaso, et nostri mandoe stratioti e cavali lizieri fuora etc., e i nimici ritornorono indriedo. *Item*, si provedi di danari, perchè venendo i nimici, li bisogna aver danari, hessendo asediati, e non si potrano mandar etc.

Di sier Ferigo Contarini, provedador di stratioti, date a Padoa, fo leto letere. Come ha, esser partiti de li alcuni stratioti e venuti in questa terra, poi tochato la paga, però si fazi provisione di averli in le man e castigarli justa li soi meriti; et manda la nome de li stratioti manchano etc.

Fu posto, per li savij, una letera ai provedadori zenerali im Padoa, e come si dolemo di la egritudine dil provedador Griti, et si li par il partirssi de li e venir a repatriar li conferissa, semo contenti el vegni, benchè a caro ne saria non si partisse, con altre parole, *ut in litteris*. Ave 55 di no, il resto di si. Fu presa: 117.

Fu posto, per li diti, dar provision a cinque, fono nostri condutieri, qualli sono fidelissimi, et è in questa terra, *videlicet* a domino Brazo, fo fiol dil conte Carlo Forte Brazo, ducati 12 al mexe e habi 30 fanti, e vadi a la custodia dil castello di Padoa; a domino Piero Spolverin, veronese, Pelegrim da la Riva, veronese, Agustim Verziero, veronese, et habino di provision, al mexe, ducati 12 per la lhorro persona, acciò possino viver, fin se li dagi la conduta; et fu presa.

Fu posto, per li diti, elezer per colegio do zentilhomeni nostri, quali siano sopra la masenar dentro e di fuora, e non posino refudar soto pena di ducati 500; habino ogni libertà etc. Presa.

Et nota, che è gran bisogno proveder dil masenar, *maxime* andando il campo a Trevixo, dove è i molini, e fo ordinato per la Signoria, atento molti burchij cargi di formenti erano andati in Sil per masenar, e fo mandato a farli comandamento, tutti venisseno a le Palae, e con le barche piccole portasseno a masenar. *Item*, fo parlato di cargar navilij e mandar a Sibinico e Dalmatia a masenar. Il formento cressete; la farina padoana in fontego vai lire, et l'altra lire

Et cussì, in execution di la parte, la matina sequente, per il colegio, fono electi, sopra il masenar, sier Vettor Michiel, è di la zonta, *quondam* sier Michiel, e sier Andrea Foscarini, fo provedador, e feno provisione etc.

Fu posto, per li savij dil colegio, sier Antonio 215*